



PAENITENTIARIA APOSTOLICA

Prot. N. 730/20/1

DECRETUM

PAENITENTIARIA APOSTOLICA, attentis precibus die X mensis Septembris MMXX porrectis ab Exc.mo ac Rev.mo Domino Caesare Daniele Fernández, Episcopo Iuiuyensi, omnia et singula spiritalia beneficia, occasione centesimi anniversarii, ex quo coronata est sacra effigies Nostrae Dominae a Sacr.mo Rosario v.d. de "Río Blanco y Paypaya", caelestis Patronae Iuiuyensis Dioeceseos et civilis Provinciae, vi Decretorum diei VII Octobris MMXIX (Prot. N. 1139/19/1 et. N. 1140/19/1) iam rite concessa per Iubilarem Annum a die VII Octobris MMXIX usque ad diem XXXI Octobris MMXX indictum, at propter epidemiam morbi "covid-19" cum populo diu pro dolor non celebratum, nunc pro Dei honore Eiusque Sanctae Matris Beatissimae Virginis Mariae, necnon pro fidelium spiritali consolatione, de mandato Ss.mi Domini Nostri Francisci Pp., per praesentes prorogat usque ad diem XXXI Octobris MMXXI.

Profecto ex prorogata largitate Ecclesiae christifideles haurient pia proposita et spiritalis robur vitae ad legem Evangelicam traducendae, in hierarchica communionem et filiali devotionem erga Summum Pontificem, Catholicae Ecclesiae visibile fundamentum, et proprium sacrorum Antistitem.

Contrariis quibuscumque minime obstantibus.

Datum Romae, ex aedibus Paenitentiariae Apostolicae, die XVIII mensis Septembris, anno Domini MMXX.

Maurus Card. Piacenza
MAURUS Card. PIACENZA
Paenitentiaris Maior

Christophorus Nykiel
CHRISTOPHORUS NYKIEL
Regens